



طلال سلمان

على
الطريق



Home « همسات حب.. طلال حيدر

مقالاته

همسات حب.. طلال حيدر

طلال سلمان - 6 حزيران، 2019



واتساب

لينكدان in

تويتر X

فيسبوك f



لا يشيخ آخر الصعاليك العرب ويزهر قلبه قصائد جديدة في ديوان الصبا والشباب وقد بدأ "بهن" ويستمر متدفقا حتى لتحس "كل مجرحة يدها" انها المعشوقة والقصيدة والديوان..

طلال حيدر لا يشيخ بل يرغب الحياة غبا، بينما تزهو صلته كلما صعقته جميلة فيتدفق كنهر من حرير يلتف حول أعناق الصبايا عقوداً من ورد وقرنفل وياسمين.

في بيته ببذنايل، حيث ترعرع الشعر، تتسع حديقته الصغيرة للخليل والليل ونجمة الصبح وقمر أيار وتستقبله بصوت فيروز وهو عائد من سهر النهار وقد أرهقه الحب فيتبدى فتى غض الالهاب يغزل حبه قلائد لمن أحب فلم يعرفن إلا بعد أن يغادر وقد ترك نبضات قلبه دليلاً الى حيث يقيم.. ينتظر الموعد الذي لن يذهب اليه..

هنا بعض نبضات قلب طلال حيدر الذي تتزاحم عند أبوابه العديدة آلاف النساء لكي يتعلمن العشق.

غزاة الروح

أول ما شفت الروح
خمنت الخريف
بس علق تيابو الهوا بين القصب
قالوا خفيف
وبس رف قلبي، ما حدا سمع الرفيف؟!
مثل الدني أنتِ
غزاة سارحة ونوما خفيف
منديل الغطيطة ع ريف العين
عالي، وعم يلوح لتاني ريف
عيونك فيهن ريحة شتي
ومراية الدمع
شفت الطقس كيف
م دامها حلوة، بكل نهر المي
سألت البحر جاب الملح من وين؟
سألت الدمع
قللي: سأل العين
ليش دارت الأرض؟
شو شافت بالمراية؟
مين ما فتح بواب السما عليها من الميلين
بس عنّ ع بالا القمر
دارت لحتى شافتو قمرين
تاري المراية بتتكسر
وبتصير فيها كل صورة تنين!
خلو الشتتي بالغيم، بلكي تأخروا الرعيان
بس يوصل الصوت بتجركن الوديان
باقي على وج الصبح من الليل يللي كان
مثل ما بيبقى من البن ع الفنجان
والوقت قد ما ركض رح تلهت الغزلان

يمكن تكون مدورة ه الأرض
ع قدّ الزمان

كحل العين

ه الأرض جايي مدودحه
بتهرّ ع الميلين
ع كتر ما هي خفيفه
بيحملوها تنين
وزغّيره
طير الحمام بيقطعا بيومين
ع قد منا زغّيرة
خمنتها بعدين...
جبتلّها شمس وقمر من سكر
ونجمات زرقا معلقا
بترد عنها العين
ع قد ما سُكرا جلو
بيليقلها إسمين
دقت على باب الزمان
مضيّعه ليلين
تتسألوا ان كنن إلو
قام ضيّفا نهارين
وقللي الزمن ما تقلّها
صاروا كحل بالعين..

ع كتر ما هي خفيفه

بيحملوها تنين

وزغّيره

طير الحمام بيقطعا بيومين

ع قد منا زغّيرة

خمنتها بعدين...

جبتلها شمس وقمر من سكر

ونجمات زرقا معلّقا

بترد عنها العين

ع قد ما سّكرا جلو

بيلبقلها إسمين

دقت على باب الزمان

مضيّعه ليلين

تتسألوا ان كنن إلو

قام ضيفا نهارين

وقللي الزمن ما تقلّها

صاروا كحل بالعين..

طلال حيدر



طلال سلمان



المقالات ذات الصلة

التصعيد عند الحدود اللبنانية: اختبارات متبادلة أم أكثر؟

27 شباط، 2024

قراءة المزيد

المناضل المبتسم: بلال الحسن..

9 آب، 2024

قراءة المزيد

المستحيل ممكناً؟ (1)

30 كانون ثاني، 2024

قراءة المزيد

بحث



إبحث..

الأرشيف

أيلول 2024

آب 2024

تموز 2024

حزيران 2024

إشترك بالنشرة الإسبوعية

الاسم

البريد الالكتروني

إشترك

© 2024 جميع الحقوق محفوظة – طلال سلمان

أرشيف السّفير

ضيوف الموقع

مقالاته

الرئيسية

